

同安縣志

卷二十二 二十三

人物 儒林 文苑
孝友 隱逸 義行

同安縣志卷之二十二

儒林

許升

柯翰

石起宗

王力行

呂大奎

邱葵

陳金鉞

黃文炤

宋

許升字順之號存齋紹興二十三年朱子簿同安升
年十三從遊最早朱子五年秩滿復從學於建陽

其學益進朱子謂有得於內嘗書存齋二大字授
之使扁書院復爲之記臨別宿雲際寺朱子贈以
詩曰薄暮投花縣聯車入翠微長林生缺月永夜
照寒扉清話欣無數離懷悵有違勉哉強毅力千
里要同歸又云門前三徑長蒿萊愧子殷勤千里
來校罷遺書卻歸去此心元自不曾灰至家朱子
兩與書微示養氣修齊之意在衰經之中動閑體
度擬古自裁朱子嘉之令校程氏語錄升曲折訂
正論量朱子答書甚悉居家偕同志陳齋仲肄業

洋隱寺又與石子重徐元聘柯國材陳汝器王近思等友善後遍交四方之士若范伯崇廖德明林擇之許敬之等或相過從或往來書問論道肄業朱子稱其恬澹靜退無物欲之累及卒爲文祭之今配享朱子祠中又祀鄉賢所著有孟子說禮記文解易解等書並湮滅無傳

柯翰字國材守道恬退篤於正學邑居教授常百餘人朱子爲同安主簿時屬治學事內行峻潔眾嚴憚之久皆化服國材講禮記朱子申其說又與反

覆辨論仁體忠恕易卦春秋詳見朱子文集國材
葺廬以居取楊子所記二年通一經者以名其堂
朱子爲作一經堂記及其歿也朱子以文哭之有
曰探討之勤白首不置弗索於祿弗媚於時又曰
唯君之德剛毅近仁望之可畏卽之可親可想見
其人矣祀鄉賢

石起宗字似之乾道五年進士第二人由勅局刪定
官召試館職條對時務辭義早然帝覽奏稱善除
祕善者正字再遷權部郎官會當輪對力言君

子小人之情狀與天下治亂安危之機又言妄啓
邊釁以開兵端不可不戒通判漳州寬鹽禁令民
輸米自槩斛禁卒刃民於市守欲末減力爭置以
法州人繪像祀焉知徽州除提舉浙西常平入爲
尚書吏部員外郎引對奏言德雖聖人所能躬修
治非聖人所能獨致願詔大臣盡公任責以破羣
臣徇私媿情之習又奏乞取仁宗洪範政鑒與敬
天圖列置座右帝嘉歎久之命祕書省繕錄以進
後以考較類試卒於院起宗善字畫備數家體必

同安縣志 卷之二十二
書省汗青軒碑其所書也尤工詩賦好學不倦俸
餘悉市書嘗言藏書數千卷勝良田萬頃云所著
有經史管窺

王力行字近思淳熙閒與陳易楊至楊履正劉鑣皆
遊朱文公門文公謂力行明敏有餘而少持重因
勉以爲己工夫自是苦學善問深得其旨趣所著
朱氏傳授支派圖文公語錄一卷大全集載其問
答甚多祀鄉賢

呂大奎字圭叔少嗜學師事王昭復昭復師陳淳淳

師朱文公故圭叔得紫陽道學之傳泉之通經學
古擢高第者皆出其門登淳祐七年進士第一甲
因上書言及執政授潭州提舉司幹累遷吏部侍
郎兼崇政殿說書以操南音出知興化軍俸米盡
輸中戶以下賦德祐元年轉知漳州軍未行屬蒲
壽庚率知州田子真降元捕圭叔署降表不署將
殺之適門人有爲管軍總管者扶出至家乃以平
生著作泥封一室遂變服逃海島中壽庚遣兵追
之將逼授之官迫者及問其姓名不答壽庚怒而

殺之年四十九圭叔著書盡燬於賊其易經集解
春秋或問孟子論語學易管見行於世者皆門人
所傳邱葵贊曰泉南名賢紫陽高弟造詣既深踐
履復至致身事君舍生取義所學所守於公奚愧
元孔公俊建大同書院祀朱文公以圭叔配焉又
祀鄉賢并忠義祠

邱葵字吉甫爲諸生居海嶼中號釣磯風度凝然如
振鷺立鷁蚤有志於紫陽之學初從辛介甫繼從
信州吳平甫授春秋親炙呂大奎洪天錫之門最

久宋末科舉廢絕意進取杜門刻志厲學耕釣自
給不求人知景炎元年大奎遇害癸痛憤忘生爲
詩感激壯烈晚一意著書所著易解疑書口義詩
直講春秋通義禮記解四書日講經世書聲音旣
濟圖周禮補亡後元遣御史馬伯庸來徵託種圃
自匿已而率達魯花赤賁幣至家力辭有卻聘述
詩一首庸等取其遺書以去故其著述多無傳今
惟存周禮補亡及釣磯詩集卒年九十配享朱子
祠中又祀鄉賢門人呂椿克紹其學

明

陳金鉞字時仰號毓泉莊江人萬歷甲午歲豐城李氏孟誠以正修之學倡道閩中獨陳時仰金鉞以諸生稱高弟而豐城推同有三陳金鉞及族子從新其一某也金鉞之學於居敬窮理之緒確然精密嘗曰吾身有大威儀總一敬而已緝熙敬止自流爲仁敬孝慈信敬用五事自符於貌言視聽思嗚呼我小子其敢夙夜不敬又曰大德不踰閑小德出入可也此可恕人非所律已守道之士寧拙

母巧寧拘於道內母溢於道外步步收斂至德性
堅定之後自然員融而不滯矣何喬遠極稱其學
黃文昭字麗甫號季駿參政文炳弟也爲晉江諸生
久困後謝去專性命之學潛心力行述經談道其
於朱陸王氏異同一以朱子晚年定論爲折衷郡
縉紳皆敬異之而何喬遠尤加堆重嘗疏薦於朝
未及徵直指興化李公復以學行薦會郡人黃蔣
二閣學在直私擬引新會餘干例優之爲忤者所
格而止隱南臺山中趺坐著書題之曰極高明鳳

皇千仞素貧賤鷦鷯一枝好獎士類片善必揚念
朝野多故疎牀敝席不敢自逸嘗東林孕昌句云
天上有人調玉燭山中許我坐春臺又曰四郊多
壘懷司馬一籌莫展愧仲達其草茅杞憂如此崇
禎戊寅南安斗栳之會起者相望文炤方講學筍
江出片紙諭立散去乙酉年登九十琉球國入貢
道溫陵者以幣乞書卻之吏部尙書張肯堂薦疏
曰品高嵩岱學邈關閩不但鄉邦羽儀實爲盛朝
著蔡行年九十稱道不亂憂國倍殷屢登薦剡未

受恩綸允宜特授國子監學正職銜仍行有司以
禮存問後隱輪山之北年九十六終所著有道南
一脈兩孝經仁詮大極圖江學經緯諸書葉向高
序兩孝經曰兩孝經者季敬取禮經之言孝者彙
而列之以儷於孝經故稱兩也孝經大而禮經詳
如大學之經傳互證但事不分屬義各自見故不
可爲傳而並稱經卽此兩經而六經之蘊具矣嘗
自大江以南至雲閒訪陳繼儒論業大相歡契遍
歷諸名勝又嘗刻老彭觀井圖以寓遠害全身之

指學者稱為黃布衣先生

文苑

許權

黃萬頃

徐應中

許景陽

陳齊仲

陳洽

劉志學

蘇玘

陳福山

張苗

葉普亮

朝幹

顏揚

汝楠

李如玉

受

周祐

蘇瀾

傅鏞

李希沆

許開

劉夢騶

蔣孟育

許獬

池顯方

紀文疇

劉霖任

葉后詔

梁岐超

李其蔚

陳常夏

張贊宗

鄭得瀟

林霍

周奠邦

陳夢球

周奇炤

蔡驥良

葉奕章

葉壽晟

池其繩

許其鏐

莊元聲

陳可遠

張對墀

黃而輝

陳重琳

莊天能

許琰

陳皐